



Uunga Inatsisartunut Ilaasortaq  
Aleqa Hammond, Siumut

*Inatsisartut suleriaasianni § 36, immikkoortoq 1 naapertorlugu Inatsisartunut Ilaasortaq  
Aleqa Hammond, Siumut, ima ittumik apeqquteqarpoq:*

**Apeqqut:**

**Naalakkersuisut meeqqanut ileqqaartitsisarneq 2010-miit atorunnaarsinniarpaat tunngavilersuutigalugu, aningaasat suliniutinut nutaanut massakorporiaq aallartineqartussanut atorneqassammata – taamaammata Naalakkersuisunut apeqquti-gerusuppara, Naalakkersuisunut ajornavissimanersoq meerartatsinnut siunissaq ungasinnerusoq isigalugu suliniutaareersoq ingerlanneqartorlu peernagu allatigut aningaasanik nassaarnissaq?  
(Inatsisartunut ilaasortaq Aleqa Hammond, Siumut)**

3. november 20099  
Box 1037  
3900 Nuuk  
Tlf: +299 345000  
Fax: +299 324448  
Email: [oad@gh.gl](mailto:oad@gh.gl)  
[www.nanoq.gl/](http://www.nanoq.gl/)

**Akissut:**

Aningaasanut inatsisissatut siunnersuusiap suliarineqarnerani susassaqarfip-paaluit sipaarutissanik isertitassanillu nutaanik Naalakkersuisut nassaarfigisimavaat. Tamatuma saniatigut siparfiusinnaasutut isertitaqarfiusinnaasutullu siunnersuusiata suli arlaqarnerusut Naalakkersuisut taamaatissimavaat.

Naalakkersuisut pingaarnersiuitillutik tunngaviatigut pingaartitarivaat: aningaasat isumatusaartumik atorneqarnissaat. Taamaammata Naalakkersuisut aningaasaqarnermut inatsisissami suliniutinut kissaatigisaq malillugu sunniuteqarsinnaanngitsunut aningaasanik illikartitsiniangillat. Aamma naak taakku meeqqanut atorniarneqaraluarpata, taakkumi Naalakkersuisunit pingaartillugit isiginiarneqartuummata.

Uagut isumaqanngilagut meeqqanut ileqqaartitsinermi iluaqutaasinnaasut suliniutinut allanut annertunerusunik angusassamik toraagalinnut aningaasanik atuinermi iluaqutaasinnaasunut naapertuunneqarsinnaasut.

Ikinngutinnersumik inuulluaqqusillunga

Palle Christiansen  
Aningaasaqarnermut Naalakkersuisoq